




Arbeiter-Samariter-Bund



PROJEKAT JE FINANSIRAN OD STRANE EVROPSKE UNIJE



Na osnovu potpisanog ugovora br. 2017 / 387-424, između ASB-a i Delegacije EU u Bosni i Hercegovini, njemačka nevladina organizacija Arbeiter-Samariter-Bund Deutschland e.V (ASB) i lokalne zajednice uključene u projekat o b j a v l j u

JAVNI POZIV

za dodjelu pomoći u poslovnoj obuci i obezbjeđenju grantova za zapošljavanje namjenjenih **ŽRTVAMA MINA I NJIHOVIM PORODICAMA** na području lokalnih zajednica

Doboj, Stanari, Zbornik, Čajniče, Konjic, Travnik, Lukavac, Donji Vakuf, Bihać, Bosanska Krupa i Velika Kladuša

Naziv projekta: „ZARADITI A NE DOBITI“ (TO EARN, NOT TO GET)

Napomena: "Žrtve protivpješadijskih mina" su sve osobe, koje su stradale ili pretrpile fizičke ili psihičke povrede, ekonomske gubitke, društvenu marginalizaciju ili je ostvarivanje njihovih prava bilo suštinski ugroženo upotrebom protivpješadijskih mina. Pojam uključuje one osobe koje su bile direktno ugrožene protivpješadijskim minama, kao i njihove porodice i zajednice

Projekat finansira: Delegacija Evropske Unije u Bosni i Hercegovini, lokalne zajednice i Arbeiter-Samariter-Bund Deutschland e.V (ASB)

Projekat implementiraju: Arbeiter-Samariter-Bund Deutschland e.V (ASB) te domaći projektni partner Udruženje Eco Sportska Grupa (ESG) uz saradnju sa gore navedenim lokalnim zajednicama.

Predmetni projekat će biti realiziran kroz provođenje poslovne obuke za odabrane korisnike, žrtve mina ili članove njihovih porodica i kroz obezbjeđenje grantova za zapošljavanje za dio korisnika koji su prethodno prošli projektom obezbjeđenu poslovnu obuku, a na bazi bodovanja dostavljenih poslovnih planova čija je izrada dio poslovne obuke.

Ovim putem pozivamo sve zainteresirane osobe sa područja navedenih lokalnih zajednica, žrtve mina ili članove njihovih porodica da preuzmu Aplikacioni obrazac (prijavu) za učestvovanje u projektu, uredno ga/ih popune te isti/iste dostave u vremenski određenom roku nadležnom organu u lokalnoj zajednici.

KRITERIJI ZA ODABIR KORISNIKA PROJEKTA

1. Opći kriteriji

- **Osoba je žrtva mine registrirana** kod BH MAC-a ili je dostavila Registracioni formular koji dokazuje početak procesa registracije (najvažniji dokument je otpusno pismo iz zdravstvene ustanove koje dokazuje vrstu povrede od mina) / **Osoba je član domaćinstva žrtve mine koja je usljed povreda preminula.**
- **Aplikacioni obrazac (prijava na projekat) je u cijelosti i uredno popunjen sa traženim podacima** jasno navedenim i dokazivim u slučaju zahtjeva za pojašnjenje navoda iz prijave / U slučaju preminule žrtve mine, prijavu popunjava uži član porodice
- **Osoba je potpisala izjavu koja potvrđuje** da su navodi u Aplikacionom obrascu i Registracionom obrascu (za one osobe koje nisu registrirane kao žrtva mine kod BH MAC-a) **istiniti** (izjava je dio Aplikacionog i Registracionog obrasca)

2. Posebni kriteriji

- Socijalni status prijavljene osobe (radni status, školska sprema, bračni status, struktura domaćinstva, boravišni status, vlasništvo nad stambenom objektom, stanje stambenog objekta i komunalija)
- Podaci o zaposlenju (zanimanje, radna sredina, željena lokacija zapošljavanja, sektor zaposlenja, ulagački kapital, informatička pismenost)
- Kvalitet ukratko opisane poslovne ideje u Aplikacionom obrascu, predloženih a tražene ekonomske pomoći za stvaranje mogućnosti zapošljavanja kroz dodjelu poslovnih grantova

Mjesto i datum preuzimanja obrazaca i dostavljanje prijava:

- Aplikacioni i Registracioni obrazac (prijava na projekat i prijava za registraciju kod BH MAC-a) se mogu preuzeti na info-pultu lokalne zajednice svakim danom od 9 do 14 sati.
- Javni poziv biće oglašen na oglasnoj ploči lokalne zajednice od 19.03.2018. godine i ostaje otvoren 30 dana od njegove objave.
- Popunjen Aplikacioni i Registracioni obrazac potrebno dostaviti u prostorije Lokalne zajednice, soba 19, ne kasnije od 30 dana nakon objave Javnog Poziva (zaključno sa 20.04.2018. godine u 14 sati)
- Kontakt osoba ispred lokalne zajednice je SAUDIN PURIVATICA tel. 061-791-043
- Preliminarni odabir korisnika poslovne obuke Projekta izvršiće Komisija za odabir korisnika projekta, na osnovu utvrđenog sistema bodovanja, sastavljena od članova ASB-a, lokalnog partnera na projektu i jednog predstavnika lokalne zajednice
- Prijedlog preliminarne rang-liste će biti objavljen na oglasnoj ploči lokalne zajednice u roku od 20 dana od dana isteka roka za podnošenje prijava
- Prigovor na rang-listu o izboru potencijalnih korisnika poslovne obuke se podnosi Komisiji u roku od 8 dana (žalbeni rok) od dana javnog oglašavanja preliminarne rang-liste korisnika na oglasnoj ploči lokalne zajednice
- Komisija je dužna odrediti se po žalbi te pismeno na žalbu odgovoriti u roku od 7 dana nakon isteka žalbenog roka

PARTNER: UDRUŽENJE ECO SPORTSKA GRUPA

